



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Annvs Diervm Memorabilivm Societatis Iesv. Sive
Commentarius quotidianae virtutis, notabilem vnius, vel
plurium in Societate vitâ functorum, virtute quapiam
insignium memoriam in menses diesque ...**

Nádasi, János

Antverpiae, 1665

XXI. Die Octobris.

urn:nbn:de:hbz:466:1-9625

citer, cum eius ac Socij operâ, plus quam tria millia veteris ac sanæ religionis lucem agnouissent. Submoti corruptores; instituti in suis officiis Sacerdotes; nihil non actum pro constabilienda Catholicâ veritate. Inde Badenæ similia patrare iussus, & eod idcirco profectus; ne id posset, ab hæreticis veneno, & morte inde secuta est prohibitus.

P. IACOBVS
DEI COAD.

Belga Baf.
nz. 1689.

Castita.
Morisf.

Illustribus Toparchis natus, at breui orphanus, Europam peragravit, per iter in templo castitate voto firmatâ: post quod votum nullo molesto carnis sensu tentatus est, etiam inter occasiones lubricæ aulæ Parisiis: vbi formam suam petulantibus oculis malè placere dum videret, vino sibi per omnem vitam interdixit, seque in ediâ castigauit. In Italia nomen Societati inter Coadiutores dedit, mox missus in Corsicam: vbi mirum quantum laborum tenui, aut nullo ferè cibo refectus, exhauserit. Siti se longissimâ in summis caloribus affligebat: corpus flagellis, & vncis exarabat. Romam ad Generalem missus pedes & mendicatio profectus est: eoque appulsus defecit, virium ac sui factus impos: & repertus est catenis vndeque circumdatus, cum lamina

ferrea, quæ lateri adhærebat. Manifestam Angeli Custodis opem in Oeconomia expertus est aliquando. Vita illi vniuersa, fuit oratio: anni omnes, innocentes ab omni labe mortali. In montis cuiusdam fastigio B. V. imaginem collocauit. Ad hanc ire iussit affines quorundam à Turcis captorum; promisitque fore vt illâ auspice suos breui reciperent. Præstitere id illi: & suis receptis, eo loco Deiparæ à Monteferrato sacellum posuere. Reliqua in vita.

B. V.

P. STANISLAVS
WOYSZA.

FVit in animarum studio fortis, & constans, vsque ad pulchræ ac heroicæ apud pestiferos mortis decus. Natum aiunt ferè sine vertice cranij, sed B. Stanislao nostro in templo oblatum & persanatum, cranium recepisse. Tantâ integritate versatus est in iuuentute, vt Magister Nouitiorum de illo dixerit, animam illam ab impuro dæmonio ne quidem afflatam fuisse. Putant per omnem vitam nullius mortalis noxæ reum fuisse. Per annos plures quothebdomadis preces & afflictiones corporis offerebat pro quodam nominatim, à quo insigni quadam iniuriâ (non sine probro) fuerat affectus. Plura de illo dixi in Heroibus Charitatis.

Polonus
Poznanæ,
21. Octobris
1655. ætat.
43. Soc. 26.

B. Stanislau

Patientia
& Charitatis

XXI. DIE OCTOBRIS.

P. EMMANVEL
DE ORTEGA.

21. Octobris
Lusitanus
in Peru.
1611. ætat.
69. Soc. 50.

IN Lusitania, Brasilia, Paraquaria, Peruanaque Prouincia multa cum

messis, & ærumnarum vbertate versatus est inde à iuuentute. Ad Indos quosdam baptizandos noctu in magna quadam exundatione per horam natauit, manifesto vitæ discrimine: illi iusti rati mox in aquas ex arboribus

GG 2 cœci-

Charitas.

cecidere submersi : Etiam in lecto, in quo febribus æstuaris tenebatur, catechismo, & baptismo administrandis occupabatur. Admiranda gessit, & passus est, constanter, ac fortiter in obsequiis animarum; quarum ille plurimas paulò ante quàm hinc demigrarent, Christo lucratus est. Cùm esset spiritualis formatus Coadiutor, oblatam sibi 4. votorum professionem non admisit; ne quid in instituto laxamenti fieret sui causâ.

Mumilit.

P. I V L I A N V S

NACAVRA, & DVO
NOVITH.

Iapon Nā-
gasachi. 21.
Ct. 1633.
ætat. 66.
Soc. 43.

PRincipe Iaponiæ stirpe natus, Nangasachi à 18. Octobris ad hunc usque gloriosæ mortis diem pendit toto corpore in scrobem inuersus. Fuerat hic vnus è trium illorum numero qui Romam inde missi fuere legati à Rege Bungi ad celebratissimū illum Greg. XIII. Boncompagnum, summum Pontificem. Româ redux, in Societatem adscriptus est, in eaque relatus in censum spiritualium adiutorum. Studijs ac laboribus apprimè deditus, totus in Deo erat, in animarum salute quærenda totus. Cùm illi aliquando vires ærumnæ variæ exhaurissent, portari debuit ad succurrendum indigentibus animabus. Dum iret damnatus ad mortem, dicebat suis Iaponibus; illum se, illum Iulianum esse missum olim Romam è Iaponia mitione: pro illâ Romanâ, & vera fide se nunc vitam deponere.

Zelus.

Hoc etiam die scrobis tormento eneçti sunt.

Petrus, & Mattheus, Nouitij,
Patrum Socij Iapones, ad Societatem in carcere aggregati.

P. ALOYSIVS :

LANVZZA.

HVnc Sicilia velut Angelum suum, Apostolicumque virum suspexit. Ecclesiastæ munus per annos ferè 40. persanctè gessit non tam studio exquisita dicendi, quàm se atque alios ad cælestia totis viribus incitandi. Vnde domi disciplinæ cura, continua sui afflictatio, profunda inter omnes ac infra omnes demissio; foris autem impigra erga omnes charitas; ac mirabilis ad animos permouendos efficacitas in eo mirificè eluxere. Cùm domi in Bibliotheca veteri Panormi facie humi prostratus noctu oraret, visus est torâ facie collucere, splendore longè ac latè effuso. Multi dicunt se expertos illi arcana cordium, & absentia multa fuisse perspecta, & ea quæ futura prædixerat, euenisse. Bernardus à Colle & Campo Abbas chirographo suo ac iure iurando testatur, conspectum à se fuisse radium qui è fronte P. Aloysij ad populum dicentis tanto cum splendore vibrabatur, vt stellæ instar illi sit visus. Idem à se in eo visum luculèrunt testes Matriona quædam illustris, & Franciscus de Mello Prorex Regni Siciliæ. Quidam ad eum audiendum ab amico adductus, tædio victus abiit. Vix pedem è templo extulerat eum se velut retrahi manu sensit, videreque sibi visus est P. Aloysium seверо vultu ac voce vt redeat imperantem. Miratus videri à se illum quem in pulpito reliquerat, redijt, & P. Aloysium reperit adhuc ad concionem dicere ac tonare. Tum illum maior admiratio incessit. Nec pœnituit rediisse veluti diuinitus eò pertractum. Etenim ea concio illum in vberes lachrymas breui coortas effudit, ac post concionem ad P. Francisci Amorelli pedes abiicit

Italus Pr.
normi. 11.
Oâ. 1636.
ætat. 65.
Soc. 47.

*Oratio.**Concio.*

abiecit dolenter peccata fatentem, & ea quæ diximus enarrantem. Aliàs visus est ad concionem dicenti spectabilis Angelus adesse; aliàs ex ore precantis illustris quidam ac cælos penetrans radius emicare. Pro iuvene lethaliter faucio; neque sui compote, ut expiari posset, se abiecit in genua, & aliis quoque, qui permulti aderant, vnâ comprecari iussit, *Aue Maria* recitavit. Vix expleuerat, cum iuuenis sibi redditus *Confessionem* impensè postulauit; ac expiatus, alterâ post horâ viuere desit. Audiui à viro fidei exploratæ qui Aloysium studiis adhuc operam dantem, tunc & ipse iuuenis, nouit; communi omnium ore celebrari, neminem omnino fuisse inuentum siue domi, siue foris, qui Aloysium non insignitè suspexerit, tanquam singulari summæ virtutis famâ passim vbique laudatum quod certè rarum esse nemo non vi-

der, cum etiam de Sanctissimis quibusque variæ cooriantur sententiæ variorum variè sentientium atque loquentium. Paulò ante mortem, petiuit sibi ostendi Dei Matris imaginem; & in eam sibi exhibitam defixis piè oculis hæsit attento silentio; ac expirauit Sabbato, id est die Deiparæ ipsi sacro. Post mortem, cuidam (ut alios taceam) visus dicitur per quietem in veste candidâ hilaris cum S.P. Ignatio qui Sacrificali, & Xauerio qui lineâ concionali, veste, induti videbantur; multis aliis vnâ spectatis in veste candidâ; quorum aliqui palmas gestabant in manibus; venerantque P. Aloysij animam deducturi. Constabat verò gloriosa illa cohors ex ijs qui è Societate in cælum recepti iam sunt: item ex ijs quos per P. Aloysij labores ad felicem æternitatem adiuuam adiuit bonus Deus.

B.V.
Mora.

Sabbat.

S.P. Ignat
S. Xauerio.

Mora.

XXII. DIE OCTOBRIS.

P. FERDINANDVS
MELCHIORIVS.21. Octobris
Germanus
in Danubio.
1614. ætat.
37. Soc. 19.

AB ingenio, modestia, obedientiâ, & potissimum à Sodalium Partheniorum rectione, ad quam aptus natus videbatur, eximie commendatur P. Ferdinandus Rhetoricam & diu & perbenè docuerat, cum se ad infimam obtulit Præposito Prouinciali. Diuinæ Matris honori cum aliàs, tum Sabbatino ieiunio constanter seruando addictus, nullo, quale demumcumque illud obuenerit, impedimento interuerti suam illam pietatem patiebatur. Ratibonam desuebat Superiorum missu, secundo

Danubio cum, præfectò ad naulum exigendum magis quàm in nauim gubernandam intento, nauis ad pontem sublicium allisa interiit & vnâ plerique; ac etiam Ferdinandus, magno animo socios ad casum illum apparatus excipiendum in periculo cohortatus. P. Iacobus Rem de illius morte mirabiliter edoctus videtur. Etenim necdum perlato naufragij nuncio, Ingolstadij pro defuncto sacris est operatus. Ecquis ille esset rogatus: respondit esse socium in Danubio demersum. Et breui post compertum est P. Ferdinandum eo naufragio interiisse.

Mora.

GGg 3

P. IOAN-